



Odjel za privredu, komunalne i inspeksijske poslove / Odjel za gospodarstvo, komunalne i inspeksijske poslove

Mostar, 15.07.2021. godine

Skupština građana

Predmet : Pitanja Skupštine građana od 10. i 11.07.2021. godine

“Pitanja identifikovana od strane učesnika Skupštine građana Mostara, 10. i 11.7.2021. godine

Za šefa Službe za komunalne poslove i okolinu – Stjepana Šaravanju

1. “Zašto prema Blagaju nema oznake signalizacije i nema niti jedan stub rasvjete?”

Prilikom izgradnje javne rasvjete prioritetno se rješavaju naselja u odnosu na pristupne saobraćajnice.

Uvažavajući značaj pristupnih puteva za naselja izvan uže gradske zone i potrebu da isti budu uključeni u projekte izgradnje javne rasvjete, pri planiranju budžeta koji je na raspolaganju za određeno gradsko područje pa tako i Blagaj, prednost se daje samim naseljima.

Izgradnja nove komunalne infrastrukture, u koju se ubraja i javna rasvjeta, u nadležnosti je Odjela za urbanizam i građenje grada Mostara.

Održavanje postojeće komunalne infrastrukture u nadležnosti je Službe za komunalne poslove i okolinu pri Odjelu za privredu, komunalne i inspeksijske poslove Grada.

2. “Tko je odgovoran što otpad iz restorana i kanalizacija ide u Bunu, Bunicu i Neretvu, što inspekcija radi po tom pitanju?”

Odgovor na ovo pitanje dati će Služba za inspeksijske poslove u prilogu

3. “Tko kontrolira odlaganje animalnog otpada?”

Odgovor na ovo pitanje dati će Služba za inspeksijske poslove u prilogu

4. “Kada će biti izbori u mjesnim zajednicama?”

Na navedeno pitanje kad će biti izbori u MZ, a što je vezano za izmjenu Statuta Grada Mostara, Služba za komunalne poslove i zaštitu okoliša nema nadležnosti ni saznanja o traženom.

5. “Zašto javna komunalna poduzeća ne rade više na obavještanju građana kada se radi odvoz krupnog otpada?”



Postojećom Odlukom o komunalnom redu krupni i kabasti otpad odvozi se dva puta godišnje u 3. i 10. mjesecu. Kako se pokazala potreba na terenu za učestalijim odvozom ove vrste otpada prijedlogom Izmjena Odluke o komunalnom redu koji će se ovih dana naći pred gradskim vijećnicima predviđa se učestaliji odvoz kabastog otpada i to najmanje jednom mjesečno. U tom slučaju komunalna poduzeća bi vrijeme prikupljanja kabastog otpada morala oglašavati, a što je i predviđeno predloženom Izmjenom Odluke o komunalnom redu.

6. “Kako to da grad Mostar izdvaja 60.000KM godišnje za taxi stajališta, a s druge strane svaki taksista plati godišnju rentu Gradu za isti štand?”

Istina je da je ove godine u Proračunu grada Mostara predviđeno 65.000KM za održavanje taxi stajališta. Ova sredstva su namjenjena za redovno održavanje postojećih taxi stajališta i izgradnju novih, a što podrazumjeva njihovo obilježavanje vertikalnom i horizontalnom signalizacijom na području grada Mostara. Sredstva navedena u Proračunu za ovu stavku su prikupljena uplatama taksista, a sve prema Odluci o organizaciji taxi prijevoza na području grada Mostara za 2021.godinu. Navedena sredstva su namjenska i ne mogu se koristiti u druge svrhe.

Pitanja za komunalna poduzeća:

1. “Zašto u javnim komunalnim poduzećima ne postoji dimnjjačarska služba?”

Ovaj vid djelatnosti spada u individualnu komunalnu potrošnju. Po dosadašnjoj strukturi javnih poduzeća ne postoji ova služba kao ni djelatnici obučeni za obavljanje ove vrste poslova u istima, a što ne znači da građani tu uslugu ne mogu dobiti od većeg broja privatnika koji obavljaju tu vrstu poslova.

2. “Zašto javni WC ima nelogično radno vrijeme?”

Radno vrijeme javnog WC je svaki radni dan od 9.00-17.00 sati, subotom od 9.00-15.00 sati, a nedjeljom ne radi. Za sada rad gradskog javnog WC-a financiran je iz Proračuna grada Mostara iznosom koji je dostatan za ovaj obim usluge.

3. “Poslije kiše grad pliva usred slabog čišćenja, što se čini da se slivnici očiste i da odvodi vode budu u funkciji ili su promjeri cijevi mali u sadašnjoj formi?”

Problem plivanja grada uslijed jačih oborina nije vezan isključivo za održavanje oborinske kanalizacije. Kanalizacija u gradu Mostaru je u lavnom zajednička i fekalna i oborinska. Intenzivna izgradnja objekata u gradu često nije pratila izgradnju oborinske i kanalizacione mreže, tako da je postojeća kanalizacija i po tom osnovu je poddimenzionirana. Kada se uzmu u obzir zastarjeli materijali kojima je kanalizacija izgrađena (azbestne, betonske cijevi, zidani kanali) a koje žile od drveća jednostavno zapunjavaju i začepljuju, onda se zasigurno može utvrditi da čišćenje nije osnovni problem zbog kojeg nastaje plivanje u gradu. Svakako pojačanim intenzitetima čišćenja te pojave bi bile ublažene, ali ne i otklonjene.

4. “Primjećeno je da mnogo stabala zaklanja semafore i što se čini da se otklone ove smetnje?”

Navedeni problem dijelom je poslova redovnog održavanja drvoreda u gradu Mostaru za koji su zadužena javna preduzeća Parkovi I Komos. Što znači ovisno o fenološkim fazama porasta stabala u drvoredima u toku jedne vegetacije, isti su dužni da vrše poslove održavanja drvoreda na način da



se na istima uklanjanju izdanci i izbojci te niske i polegle grane koje su smetnja prometu pješaka i zaklanjanju uličnu rasvjetu i prometnu signalizaciju. I sami smo svjedoci neažurnosti navedenih preduzeća na navedenim poslovima pa smo istima dana 16.06.2012. uputili vanredni radni nalog br. 66-21 za potkresivanje stabala koja zaklanjaju prometne znakove frekventnih prometnica u gradu.

Pitanja za Načelnicu Odjela za gospodarstvo, komunalne i inspeksijske poslove:

1. “Zašto se nakon sječe bolesnih ili opasnih stabala u parku ne posade nova stable?”

Pretpostavljamo da se pitanje odnosi na sječe stabala u Parku Zrinjevac, u protekle dvije godine uslijed posljedice (prijeloma stabala i njihovim masovnih oštećenja krošnje) nevremena uklonjeno 9 stabala mahom japanskih sofora (*Styphnolobium japonica*). Navedena vrsta stablašica priprada grupaciji bilja sa mekim mehaničkim tkivima debla i granja i sklona su odlamanju grana, a potom i infekciji lignikolnim gljivama. Problem sa kojim se susrećemo posebice u drvoredima grada Mostara, a tako i na ovom lokalitetu, jeste u tome što nakon sječe ovakvih odraslih stabala ostaju panjevi koje nije lako ili nije moguće ukloniti mehanizacijom kojom raspolažu javna preduzeća koja se bave održavanjem zelenila, a da pri tom zahvatu ne naprave veću materijalnu štetu na pješačkim zonama. Dakle, isti ne raspolažu sa specijaliziranim priključnim svrdlom za ekstrakciju panjeva. Napominjemo, da je dijelom akcionoga plana revitalizacije javnih zelenih površina u gradu Mostaru i rekonstrukcija i dopuna zelenila parka Zrinjevac kao i ostalih skverova i parkova u gradu, a u skladu sa time i vađenje panjeva na širem gradskom području. (navedeno bi se osiguralo nabavkom svrdla *Ferri Rotor Speedy* ili bi se angažirala vanjska firma koja se bavi navedenim poslovima).

2. “Šta može učiniti gradska vlast za SRC Buna, da kupalištu vrati stari sjaj? Tj. da napravi most i branu, bar na istom principu kao prije 30- tak godina, a ne kao sada bazen koji liči na baru. Mostar je grad na pet rijeka te zaslužuje da ima respektabilno kupalište, kako za na građane tako i za sve koji dođu u Naš grad?”.

Služba za komunalne poslove Grada Mostara, bavi se poslovima održavanja čistoće i javnoga zelenila na području SRC Buna, navedene poslove košenja u ovoj godini obavili smo 3X, a u toku godine planirana su još 2 do 3 košenja. Poslovi čišćenja obavljaju se češće, a planiraju se na osnovu dinamike zaprljanja i na osnovu operativnog plana javnih komunalnih preduzeća. Za građevinske radove koji obuhvataju poslove izgradnje/rekonstrukcije mosta i brane sa pokretnim klapnama, potrebno je da se obratite Odjelu za Urbanizam i građenje koji mogu dati informacije iz svoga opsega poslova.

Pitanja za Službu inspeksijskih poslova:

1. „Tko kontrolira odlaganje animalnog otpada?“

Animalni otpad jedan je od problema u oblasti upravljanja otpadom u gradu Mostaru, sa kojim se suočavaju lokalne vlasti, stočari, klaoničari, mesari, prerađivači i građani.

Prihvat i zbrinjavanje ove posebne kategorije otpada je prisutan na području cijele BiH, tako i u gradu Mostaru.



2.“Tko je odgovoran što otpad iz restorana i kanalizacija ide u Bunu, Bunicu i Neretvu, što inspekcija radi po tom pitanju?”

Komunalna inspekcija Službe za inspeksijske poslove Grada Mostara već duže vrijeme sukladno članku 82. Odluke o komunalnom redu koji glasi „**odvoz otpadnog materijala nastao radom trgovačkih objekata za prodaju mesa i suhomesnatih proizvoda vrši se po posebnom zahtjevu vlasnika ili korisnika na temelju sporazuma sa davateljem komunalne usluge i na način utvrđen sporazumom**“, je vršila nadzor nad takvim objektima.

Nakon provedenog postupka, takvi objekti nisu bili u mogućnosti sklopiti ugovor sa JP „Komunalno“ zbog tehničke nemogućnosti, tj zbog nedostatka spalionice.

Sukladno **članku 10. Zakona o upravljanju otpadom** („Službene novine FBiH“, broj 33/03), jedinice lokalne samouprave bi trebali izraditi planove upravljanja otpadom koji bi trebali sadržavati između ostalog;

- programe o skupljanju opasnog otpada iz domaćinstava,
- programe za korištenje komponenti iz komunalnog otpada,
- lociranje postrojenja za upravljanje otpadom i td..a koji je u nadležnosti inspekcije zaštite okoliša.

Također, komunalna inspekcija u proteklom periodu nije zaprimila zahtjeve za inspeksijski nadzor, po pitanju odlaganja otpada iz restorana i kanalizacije u rijeke na području grada Mostara, niti je isto uočeno redovitim nadzorima.

S poštovanjem!

